

欽定大清會典事例

欽定大清會典事例卷九百三十

工部

水利

陝西 雲南

甘肅 貴州

四川

廣東

廣西

陝西○雍正五年

諭

朕聞陝西鄭白渠龍洞向來引涇河之水溉田甚廣

歷年既久疏濬失宜龍洞與鄭白渠漸致淤塞隄堰

大半坍塌醴泉涇陽等縣水田僅存其名深為可惜

朕惟興修隄堰乃於民生大有裨益之事著動用正

項錢糧俟一應工程告竣報部察覈務期渠道深通

隄堰堅固俾農工得以永賴以副朕保惠元元至意

○七年議准。涇陽縣龍洞鄭白等渠之口。建牐以資蓄洩。嗣後由水利通判經理修濬隄渠各事。○十一年。修治豫陝交界之荆子關。起至商州龍駒寨灘河。○乾隆二年。修濬長安西鄉。蓋屋。郿縣渠工一千二百八十四丈二尺。○又修築興平等縣馬坊邨圍寨隄二道。以衛渭河。○又議准。龍洞渠內築石壩一座。以納衆泉。加高龍洞南畔等處石隄。以防水漲。水磨橋大王橋上下各處泉旁。築壩收入渠內。以資灌溉。又大王廟以前。築壩開溝。以防衝淤。復設水夫三

十名。啟閉牘板。嗣後每年應需歲修銀。於公項內動用。年終據實報銷。○五年。修建咸陽縣南門。迤西石隄五十丈。保護城垣。○六年。議准西鄉縣接開石土渠工二千七百七十五丈八尺。增灌田畝。○七年。疏濬涇陽龍洞渠。以資灌溉。○八年。覆准。本年六月涇水暴發。衝坍龍洞渠一帶石隄。令修砌完固。○十三年。覆准。延安府北門外濯筋河道。其引河石堦石壩。每年於司庫公項內。動支歲修銀一百二十餘兩。於汛臨之後。委官察勘。有應修補之處。確估興修。即動

此項辦理工竣報銷。○十五年議准。上年陝西洛河水漲。衝漫鄜州石隄一百七十餘丈。沿東山開濬。南北引河一道。以減水勢。拆修石岸。改砌石塊坦坡。照舊隄加高三尺。東北兩門各建插一座。以資堵禦。○又疏濬同州府潼河。修理南北水關城洞。○十六年覆准。涇陽縣龍洞渠工。因本年閏五月涇水異漲。致有衝決。石隄渠身。應及時修濬。○二十四年奏准。籌辦陝西水利農田。兼批它各屬一切河渠水道。○二十六年奏准。興安州歲修隄工。每年約估工料銀兩。

於公用銀內動支。○二十八年。增築耀州隄壩。  
○三十二年。開挖耀州河道。並增築石壩。○又  
修濬西安等府州渠道。補築隄堰。並修寶雞宜  
川葭州邠州三水等州縣渠道。○又建築朝邑  
縣護城隄工。隄外種植柳株。○五十二年。修築  
潼關潼河兩岸輒泊。西岸長二百九十一丈二  
尺。東岸長四百七十一丈三尺。均寬七尺。高一  
尺五寸。○嘉慶十八年。議准。潼關廳河流南趨  
老岸坍塌。岸下淤出新灘。於灘上築土。以培老  
岸。○道光元年。疏濬涇陽縣龍洞渠。培修石隄。

○又修築沙泥洲土隄八十餘丈。挑引河二百七十丈。建石籠九間。○五年。修濬咸甯縣龍首渠。長安縣蒼龍河。涇陽縣清冷二河。藍屋縣澇峪等河。郿縣井田等渠。岐山縣石頭河。寶雞縣利民等渠。華州方山等河。開它榆林府屬之榆溪河。芹河。

甘肅○康熙四十八年議准。開濬甯夏府宋澄堡。李洋堡二渠。引黃水助塘渠灌溉。造木石壩三處。因時蓄洩。○雍正六年題准。甯夏府察漢托輝地方。開鑿大渠二百七十餘里。建進水大

石牖一座。退水大石牖三座。尾牖一座。大支渠百餘道。又開小陡口百餘道。各牖旁共置水手房四十四間。設水手以司啟閉。又建大石閘洞四座。以通唐渠漢渠之出水。建石橋木橋二十。三。沿大渠之東。障黃河之溢。築長隄三百十有餘里。渠隄兩岸。種柳六萬餘株。沿大渠之西。疏濬西河三百五十餘里。以洩唐漢二渠。並大渠餘水。以及諸湖鹵水。架橋梁十六。灌溉新渠寶

豐。二縣後  
裁缺。

甯夏平羅四縣民田。又六羊渠一百

十有餘里。建進水大石牖一座。退水大石牖二



座鼓水大石牖三座。共置水手房二十間。大支渠二十餘道。又各開小陡口百餘道。以資水利。

大渠

賜名惠農渠。六羊渠改名昌潤渠。○八年

諭甯夏地方。萬民衣食之源。在於大清漢唐三渠之水。利是以定例。每年疏濬修理。使水利暢足。民田得以均霑灌溉。聞近年專司之員。疏忽怠玩。止圖折草折夫。以致牖道坍岸。逐漸損壞。時有衝決。渠身淤泥填塞。日久淺窄。而三渠之中。惟唐渠為尤甚。近來其口過低。其梢過高。水勢不能逆流而上。多誤小民耕種。

之期。雖每年定有歲修之例。然不能以一月之工程。整十數年之荒廢也。若再不加補築。恐日復一日。將來難於經理。著豫備物料。明春動工。修補務令三渠堅固。俾邊郡黎民。灌溉有資。永享盈甯之慶。○十年諭甯夏為甘省要地。渠工乃水利攸關。萬姓資生之策。莫先於此。是以朕特遣大臣。督率官員等。開濬惠農。昌潤二渠。又命修理大清漢唐三渠。以溥萬民之利。年來惠昌二渠及唐渠工程。漸次告竣。於民田大有裨益。其大清渠雖未工竣。然聞連年加謹堵壘。極力排濬。水澤已可敷用。不過埤岸及插有應修補之處。

可以從容經理。甯夏有專司水利之同知。著於每歲春工內。分年陸續修理。甯夏道勤加督率。不時稽察。務期工程堅固。利濟有資。使民田永霑膏澤。○十一年議准。惠農渠閘洞上下。交流滲漏處所。照漢唐渠例。遞年修補。惠農渠中段。漢渠尾梢。各增建退水小石牖一座。昌潤渠建大飛槽四座。惠農渠尾建大飛槽一座。昌潤渠永屏牖開大渠一道。於每歲春工。分年陸續修理。○乾隆二年。修築甯夏府新渠。縣通吉清水五香等堡頂水馬頭。又加高通朔堡馬頭。○又覆准。甯夏縣河

忠堡南面。加築長隄二百六十一丈。底闊八丈。頂平二丈。高一丈二尺。又自南面起至西面沿河築隄一千八百丈。底闊四丈。頂平二丈。嗣後歲修事宜。統歸水利同知專理。本堡歲輸額夫額草。由該同知收存。以備歲修之用。○又狄道州北鄉新甸子南鄉漫壩河西鄉三岔河等處開渠十道。○又河州河政驛下川堡二處開渠八道。○又平番縣屬西大通馬軍二堡開渠八道。○三年奏准平涼府渠工建牖以利宣洩。○又河州洪濟地方開渠一道。○又開濬磨姑灘

渠道建設石牖。以資灌溉。○又修建平羅縣鎮朔堡圍隄。○又覆准新渠縣惠農渠。交濟堡建造閘洞一座。引水出瀉西河。東西兩面。各造小橋。以利攸往。○又隴西縣二十里鋪開渠一道。○又漳縣三岔驛開渠三道。○又開濬秦州地方雙橋舊渠六道。新渠十三道。○四年奏准甯夏大清漢唐三渠。因三年十一月內地地震坍塌。一切大渠支渠。重加修理。○又奏准修整惠農廢渠。渠口引水入漢渠。展長漢渠之尾。灌溉民田。加修沿河長隄。以資捍禦。○五年議准皋蘭縣張

達二川附近大通河口。開渠引水。設正牐。退水牐各一座。以備渠水泛漲衝漫。隨時啟閉。又甯夏縣河忠堡渠口隄埂。設水手四名。又覆准。寶豐縣蘭泉等堡。有自來泉一道。按地鋪設石槽引水。其接連導引之所。架置木飛槽引水。以灌附近田畝。又覆准。疏濬惠農渠。西河起甯夏縣河西寨。至平羅縣石嘴子。長二百二十里有奇。建牐設橋。架置木飛槽。以資灌溉。又平番縣野狐城地方。開渠一道。又金縣定遠鎮。自滴水崖起。至馬家莊。開修渠道。六年。修

理靖逆衛

今改靖遠縣

舊開渠道。○又議准靖逆衛

磨姑溝等處新開渠道五十四里工竣設渠夫

二十名常川巡察。○七年議准前年黃河疊次

泛漲惠農渠隄衝決修濬隄堦渠埝又從四堆

子起至通順橋以下直抵西山腳截築橫堦一

道以障狂瀾。○九年議准靈州永甯洞衝埝秦

渠中斷移南三十丈重建石洞加築秦渠附近

澇河穴濬展闊量築隄堦改建利濟橋。○又議

准堵築秦州周家磨新開河口並呂二溝缺口

等處疏濬舊有小渠以濟民用。○十年議准甯

夏府四堆子地方。起馮家廟至五堆子。築遙隄一道。加培六堆子以下殘缺舊隄。惠農渠尾梢。展開深闊。以資引灌。永保汕刷。○十一年議准。開挖狄道州引河。增築大壩。加建長隄。以避洶水衝射城基之患。○又安西哈密等處渠道。增設渠兵八十名。水利外委一人。○又議准。甯夏昌潤上下九牘。自首迄尾。輪流封閉。次第澆灌。充足之後。挨次自下而上。專令水利縣丞督率堡長不時巡防。並令水利同知親往稽察。如有截壩偷水等事。按法責懲。仍將姦民驅逐外。別



招新戶頂補承種。○又議准甯夏縣屬高崖子起至平羅插堡四堆子月隄止順河長埂一道嗣後閒歲一修加高培厚其應用人夫埂以內每田一分出夫一名。埂以外每田二分出夫一名。俟二三年後仍令埂內一例分撥。○又議准四堆子以下至八堆子中間一帶老埂於每歲農隙時將殘缺之處飭令該管官督率民夫脩補齊整以資護衛。○二十五年奏准靈州之橫城堡填砌土石。○又增建蘭州板壩六座。○又瓜州回民遺地招民墾種裁汰把總一員量設

渠長十名。渠兵八十名。三十年。甯夏府昌潤渠士民在通福堡地方開挖新口。名曰等水渠。○三十五年。通義堡地方另開新口。名曰復興渠。○三十八年。修建中衛縣屬七星渠。紅柳溝環洞。○四十一年。議准平番縣一切水利。及修築隄壩。開濬河渠。責令該主簿督率承辦。○四十二年。大修甘肅省各處渠道。○四十四年。議准甯夏府惠農渠工。向資昌潤渠幫辦。今惠農渠之三道支渠壅塞。其昌潤渠水旺盛。已不資惠農渠之水。應將原幫惠農渠夫料五百六十

四分撥還昌潤渠。令平羅縣縣丞經營。以專責成。嗣後惠農渠工。由該渠士民自行修濬。不得復派昌潤渠幫辦。至昌潤渠之等水渠。在滿營馬廠界內。馬匹官兵往來未便。飭令昌潤渠士民搭蓋橋座。以利往來。○四十六年。狄道州城西臨河兩岸三壩。改建石壩。○四十七年。疏濬甯夏府

大清等渠口。○五十年。修築靈州橫城堡新舊防風梭壩。○五十一年。修築

大清渠。並漢唐惠農三渠牯座埝岸。並靖遠縣糜

子灘石壩。○五十六年奏准。蘭州郡城北面。逼近河流。增建河岸石工。長九十八丈。並於頂衝之處。建板壩二座。以護隄根。○道光十八年。重修皋蘭縣城舊建泊岸二道。頂衝之處。木壩十五座。並添建木壩三座。以衛城垣。○又奏准。高臺縣並毛目縣丞所管柔遠堡等處。歲修渠道工程銀兩。在司庫公用款內動支。按年造冊報銷。○又奏准。狄道州洮河隄壩。每年於城中煙戶內。按照三丁出夫一名。分春秋夏三季赴工修築。所需器具。於該州公費銀內購辦。毋許私

派。

四川○雍正十一年覆准新津華陽二縣修淘  
通濟堰。攔河砌石為埂。截流而東。灌溉田畝。○  
十二年。修理眉州墓頤堰。○乾隆六年議准。哨  
汛城築隄一道。遏禦頂衝。隄之上流。開挖河路。  
使水性循軌而下。○九年覆准。甯遠城河被衝。  
淤墊。別決新河一道。應墊築新河。開通舊河。○  
光緒五年奏准。都江堰之大魚背。移設索橋之  
上。藉分水勢。已歷五六十年。前議退修四十丈。  
則下游人字隄當衝更甚。應仍其舊。毋庸更議。

退修。

廣東○康熙五十五年。修築海康。遂溪二縣圍隄。以衛洋田。○雍正五年。議准廣肇二府所屬圍基。責令廣南韶道肇羅道。不時親詣工所。督率修理。如式堅固。毋致江水漲發之時。臨期周章。儻該道怠玩偷安。以致衝決坍塌。並偏袒紳衿富戶。欺壓貧民。藉端滋擾。縱役需索者。即指名題叅。○九年。重建遂溪縣。辛壬兩字號隄岸。並修補丁字號隄岸。及麻烈等牯。○乾隆元年。奏准廣肇二屬圍基。動撥廣東鹽運司庫存儲

遞年融羨等項銀四萬餘兩。借商生息。以為歲修之用。○又廣肇二屬圍基。改建石工。○二年。修築海康井鬼等七字隄。柳字下牘。遂溪甲乙等十字隄。乙字牘。並丁戊兩字麻烈大牘。○三年。修築海康縣衝決隄岸。○又覆准海陽縣東南北三隄。加築灰石護隄。以固上游。借關稅銀十萬兩。給鹽洋二商營運生息。積至三年。次第辦理。俟五年歸還原本。工完如有餘。別為生息。以備遞年歲修之用。其潮陽揭陽澄海饒平惠來等縣舊有隄岸。給予歲修銀。以紓民力。○四

年。修築始興縣南門外河隄。○五年。加築海康井鬼等七字隄。遂溪甲乙等十字隄。並接砌乙丁戊三字大小牐二座。○七年。議准粵東圍基頂衝險工。及竇門壩。用石砌築。以資捍禦。每年動支鹽規生息銀。歲加修理。其一應土工。令水利各官。於農隙時。督率圍民。加培高厚。永為定例。○九年。三水縣南岸圍工。建用石工。以殺水勢。○又修築海陽縣東南北三隄。用三和土築砌土牆。磯頭用頑石堆填。○十一年。續築海陽縣蔡家圍隄工。○十二年。修築始興縣南門外



河隄。三十年奏准。瓊州府東門外有潘公河一道。灌溉田畝。最關緊要。撥歸公鉛價銀五百兩。置產生息。以作歲修之用。五十二年覆准。瓊山縣置樂會縣田三十四畝。六分二釐五毫。每年租息銀兩。除應完糧米外。以為歲修。潘公河道之用。該督於年終。將徵收租息造冊報部查覈。嘉慶十五年。修復南海三水清遠三縣圍基。並加石工。二十二年奏准。南海縣桑園圍衝決。業經修復。再借庫款八萬兩。發當商生息。所得息銀。以五千兩還庫。以四千六百兩貢

成紳士歲修。如有坍塌。責令賠補。○道光二十三年。奏准借庫款堵築海陽縣隄基。限十年攤徵還款。○同治十二年。修築南海順德兩縣所屬桑園圍東西兩隄。一萬四千七百餘丈。○十三年。修葺東津等處衝坍各壩。並疏濬澄海縣之沙頭等處。及澄海饒平兩縣兼管之黃岡海陽縣之海溪龍尾入海要口。○光緒六年。修築廣州府屬之南海三水從化順德花縣清遠肇慶府屬之四會高明高要德慶潮州府屬之海陽佛岡等廳縣圍基決口。

廣西○雍正八年。修葺臨桂縣黃泥等十三陡。鑿石九處。開鑿雒容縣陸路。又修興安縣至全州一帶河道。並舊陡三十六處。以資轉運米穀。灌溉田畝。○十年。增修臨桂縣鯁魚等七陡。增鑿一百三十五處。○又覆准臨桂縣修築鯁魚等二十陡。每陡設夫二名。共設夫四十名。東西兩陡。各設渠目一名。每名歲各給工食銀六兩。照興安縣陡河之例。撥歲修銀六十兩。於存公銀內動支。以備分修之用。年終造報覈銷。又興安縣二十三陡。除舊設夫四十六名外。增設夫

一名。乾隆四年覆准。臨桂縣鱧魚陡河上之門山灣。鮑歛橋二處。加築兩陡。給歲修銀六兩。於鹽道庫儲存公銀內支給。按年造報察覈。每陡設夫二名。每名歲給工食銀六兩。五年覆准。興安縣馬石橋。設立牘板。並設陡軍二名。專司啟閉。每名歲給工食銀六兩。遇閏加增。又每年增給歲修銀二兩。十一年議准。築復興安縣三里橋等處陡門四座。疏濬分水潭等處河道。並修砌陡埂。新增四陡。設陡夫八名。以司啟閉。歲給工食銀四十八兩。三十年。修復興安

縣牛路靈山。星橋三陡。並將星橋陡。移建於橋內數丈地方。又築岔河石壩。每陡復設陡夫二名。共夫六名。專司啟閉。每名歲給工食銀六兩。遇閏加增。又每陡每歲給塞水器具銀一兩。均在司庫閒款內動支。○三十二年覆准。興安縣境內竹頭陡。為當衝要地。舊陡及土埂岸直陡。橫形同方角。將石陡砌成斜長石礮。並將舊壩土岸。改用石工。○五十五年。挑濬崇善縣至甯明州一帶河道。

雲南○康熙十年。雲南省雲津河衝溢。增南城

外石橋二洞。以殺水勢。二十一年。修省城外  
金汁諸河及舊廢牐壩。二十七年。修松華壩  
及金汁等六河牐壩。引水資昆明各縣灌溉。  
雍正十年。修濟龍盤金棱銀棱寶象海源馬料  
明通馬弱白沙諸河。增修石岸牐壩橋洞。又  
議准。昆陽州增設水利同知一人。駐紮海口。常  
川巡察。遇有壅塞。不時疏通。設或衝塌。立即堵  
築。其餘各州縣。凡有水利之處。將同知通判州  
同州判。經歷吏目。縣丞。典史等官。皆准加水利  
職銜。境內河道溝渠。責令專理。除雲南一府仍

歸糧道管轄。其各屬在迤東者。統歸迤東道管轄。在迤西者。統歸迤西道管轄。仍令各該府查勘驗報。各該道考查詳明。聽督撫酌覈勸懲。○又議准。昆明六河。酌定歲修銀八百兩。昆陽海口。酌定歲修銀二百兩。臨安三河。酌定歲修銀三百兩。動支鹽道衙門合秤銀給發興修。用則報銷。不用則存儲。以備大修之需。○又疏濬甯莪。南甯羅乎。新興路南。趙雲南。鄧川。浪穹。各州縣河道。重修祿豐縣廢橋。定遠縣建設石隄。永北府羊保山。建築石壩。順甯府河造鐵索橋。增

修阿迷州至八達通粵河道。又濬嵩明州河口。經尋甸東川。由牛欄江達金沙江。周環川江。復抵昭通。以通舟楫。○十二年。修濬鶴慶府漾弓河。又修祿豐縣石隄五十丈。昭通府西門開濠。引水入城。以資灌溉。○十三年。開鑿恩安魯甸。擦拉諸河。○乾隆二年。

諭。水利所關農功甚重。雲南跬步皆山。不通舟楫。田號雷鳴。民無積蓄。一遇荒歉。米價騰貴。較他省數倍。是水利一事。不可不急講也。凡有關於民食者。皆當及時興修。總期因地制宜。事可謀成。斷不應惜費。如難



奏效亦不必強作。○五年。開濬龍盤金棱銀棱海源。實象馬料諸河。修建橋牖涵洞隄岸。又昆陽海口。改建石岸。○六年。覆准恩安縣開塘四區。以便兵民汲飲。○七年。開鑿黑龍硎。修濬青口河。又開恩安縣礮硎水源。建大壩一座。培修李子灣蓄水隄基。建木牖一座。又修建水塘壩補臥箐山蓄水隄基。建木牖一座。又曬魚口河開溝建壩。以資蓄洩。灌溉民田。○八年。安甯州築石壩六座。開渠百六十里有奇。以資灌溉。○九年。疏濬大理府洱海淤沙。○十年。開鑿南甯縣亮

子口。黑寶灘等處灘河二十餘里。又修陸涼湖  
嚴芳橋梁。○十一年。開鑿金沙江下游新開灘  
至黃草坪等灘河。以利舟楫。○又開修金沙江  
兩岸陸路。○十二年。開通大關鹽井渡水陸道  
路。每年動支運銅節省銀三百兩。以為歲修之  
用。○又安甯州葡萄橋石龍壩等處。開渠引水  
分灌民田。○十四年。奏准金沙江自四川敘州  
府城內起。至雲南小江口止。共計水程一千四  
百餘里。內上游之蜈蚣嶺至下游之黃草坪一  
段。工程實於運銅無益。其自黃草坪以下至新

開灘約五百八十餘里。亦有數大灘。尚係人力可施。可以直達瀘敘。於運銅有益。應棄其無益。留其有益。仍酌給歲修銀。以利輓運。又大修昆明六河。並昆陽海口隄岸。插壩橋梁河道。十七年奏准。金江下游米貼。小霧基三堆石。大獅子溜桶子。大貓等六灘。在廠民捐辦。銅價銀內。每年酌留銀一千兩。為歲修之用。○二十七年。浪穹縣三江口。堵築壩工。以防水患。○四十二年。修濬昆明縣盤龍等河。並昆陽州海口。○四十七年。奏准。官民捐貲。修濬鄧州彌苴河身。

隄壩。涸出糧田萬畝。嗣後每歲冬春水涸時。該  
管府州督率民夫興修一次。以資蓄洩。○又開  
挖楚雄府城外龍川江引河一道。長二百十丈  
五尺。砌築石岸。長六十九丈。○四十八年。修築  
昆明六河隄工。○四十九年。籌辦昆明河工。及  
金汁河。韓冤。牘壩。改建滾水石壩。○五十年。大  
挑昆陽海口。自龍王廟起至石龍壩。長二千七  
十五丈。○道光三十年。修復龍溝河隄決二口。  
並黑鹽井新井東井護隄。運鹽運油石梯街道。  
貴州。○順治十七年。修治黔河。○乾隆三年。開

修都勻府河。由舊施秉通清水江。至湖南黔陽  
縣直達常德。又由獨山州三腳壘達來牛古州  
抵粵東河道。緯路一概修治。以資輓運而濟商  
民。○十年。開鑿畢節縣赤水河道。起赤水河渡  
口至猿猴地方。大小六十八灘。○三十六年。修  
理古州廳屬八匡沖護田石隄八十六丈五尺。  
○道光十一年。開桐梓縣戴家溝明河。○光緒  
五年。濟復桐梓縣戴家溝明河。

欽定大清會典事例卷九百三十一

工部

水利 各省江防

各省江防。康熙十三年議准。楚省襟江帶湖。民間廬舍田畝。建設隄塍。以為保障。濱江一帶。地方有司。專令漢陽府知府。武昌黃州襄陽荊州。安陸德安六府同知。分督江夏武昌蒲圻黃梅。鍾祥京山天門。江陵公安石首監利。十一縣。縣丞。潛江縣主簿。沔陽荊門二州州同。咸甯嘉魚漢陽漢川。廣濟當陽雲夢應城孝感。松滋十

縣典史。每逢夏秋汛漲。各於所屬境內。董率隄老圩甲搭蓋棚房。置備椿筩柴草蘆葦鐵筐等項器具。堆存棚所。晝夜巡邏看守防護。春冬興工修築。三十九年議准。湖廣素稱澤國。全賴築隄高厚。責令地方官於每年九月興工。次年二月告竣。如修築不堅。以致衝決。將督撫照總河例。道府照督催官例。同知以下照承修官例議處。○五十四年

論江隄與黃河隄。膝不同。黃河水流無定。時常改移。故特設河官看守。江水並不改移。故止交與地方官看

守如江水泛漲亦非人力能保湖廣隄岸引黃河例  
議處地方官之處著再議具奏欽此遵

旨議定嗣後湖廣隄岸衝決府州縣官各罰俸一年該  
撫罰俸六月將三十九年議准之例停止○雍  
正五年

諭荆州沿江隄岸著動用帑金遴委賢員監督修理修  
成之後仍為民隄令百姓加意防護隨時補葺俾得  
永受其益○六年

諭據湖廣總督奏稱各屬隄塍向由業戶按糧出夫取  
土歲修今各業戶感戴皇恩莫不踴躍歡呼自出夫



土。照上年水痕。加高修築。其支河淤塞之處。亦自行疏濬等語。朕念修築江隄。疏濬河道。該地方官既有歲修定例。今百姓踴躍從事。加高修濬。甚屬可嘉。用沛特恩。助其力作。按康熙五十五年。湖北湖南興修隄垸河道工程。蒙

聖祖仁皇帝特恩。賞助銀六萬兩。今朕遵照此例。賞助帑金六萬兩。令該督於湖北湖南二省。酌量工程多寡。分給。並飭地方有司。實心辦理。使小民均霑實惠。工程永遠堅固。又議准荆江兩岸黃灘等六處險工。每隄百丈。設圩長一名。圩甲二名。圩役五名。

督率附近居民看守。遇有蟻穴。獲洞。即為填補。再於江工險要之處。一例籤釘椿木。編槿條竹。笆。以垂永久。又題准。楚省江隄。有勒索業戶。包攬土夫者。照河工包折。插夫。溜夫之例。分別治罪。又議准。楚省官民。有於隄外捐栽柳荻者。照河工例。分別議敘。又覆准。江西省九江府同知。給江防銜。並令管理津渡事務。又議准。四川省成都府同知。分駐灌縣。專司都江堰工。○七年。議准。湖北省武昌。荊州。襄陽。三道。各加兼理水利銜。統轄武昌等府同知。州同。縣丞。

主簿等官。如有防護不力。修工怠玩者。該道揭  
叅。儻徇隱不揭。該督撫一併題叅。○又議准。湖  
北省荆門州沙洋大隄。逼臨襄江。歲徵湖糧三  
千石。湖糧每石輸銀一錢。計銀三百兩。以資江  
工歲修之用。○九年覆准。四川省灌縣都江。為  
岷山分流。經成都華陽新津温江崇慶彭崇甯  
新都金堂等縣。及簡州直入資陽內江富順瀘  
州歸入川江。各縣田畝。藉以灌溉。水道隄堰。關  
繫緊要。每秋末水涸之時。該管官逐一勘估。冬  
月募夫修築。春月報竣。○又覆准。都江堰工。按

照田畝均攤夫價。解交水利同知承修。再修築堰工。用竹編長籠。自一二丈至三四丈不等。中將碎石填實。壘築成隄。面蓋押二色。每塊長二丈。闊一丈五尺。用白夾竹百根。每根銀一釐六毫。編工銀一錢二分。竹籠折長三丈。徑一尺八寸。用白夾竹四十根。編裝工銀一錢二分。又奏准修築湖北省武昌府沿江隄岸。計正岸一千三百十九丈五尺。護岸六百八十八丈。限三年次第修理。又奏准修築江工。每沙石長三尺。厚一尺。價銀八分六釐。每松椿長七尺。圍圓

一尺五六寸不等。銀四分五釐。汁米一石。銀一兩二錢。柴每斤銀一釐。化灰槽銀八錢。汁桶銀四錢。水桶銀五分。小灰桶銀二分。土箕銀八釐。帚銀三釐。竹槓銀一分五釐。木槓撬棍銀三分。灰籬銀五分。灰篩銀四分。木楸銀三分。昏斗銀二分。桶竹每捆銀五分。青竹篾每把銀二分。楸棍銀一釐。蘆席銀一分。每石灰百斤。漢陽腳價銀四分五釐。武昌五分。荊門州八分。每匠一名工銀五分。每夫一名工銀三分五釐。○又覆准四川省都江堰嗣後伏汛遇有搶修工程該督

先將應修緣由報部。所需工料銀入於歲修案內。造冊題銷。如有侵蝕捏報者。該督即行指叅。○乾隆二年覆准。歲修都江堰。自人字隄起。至省城西門外金沙新堰。温江縣江安堰。新繁彭二縣通濟堰。疏濬省城二江支河。自乾隆二年為始。於該省鹽茶項內。動支修築。○又議准。湖北省沔陽一州。南北兩江大隄。計三萬一千九百三十餘丈。東西南三方隄工。歸水利州同管理。北方一帶隄。令州判分駐仙桃鎮。就近管理。凡有應修工程。按期督修。○三年。湖北省武

昌一帶江塘護岸加高二層。又議准湖北省漢陽府江岸石隄波浪衝激自西關小馬頭至東關上馬頭建築正岸二百六十七丈護岸亦如之。城南張王磯加築二層護岸三十丈。以為保障。四年湖北省江夏縣蕎麥灣地方別築月隄二百九十五丈。六年覆准四川省石牛黑石二堰歸入都江歲修案內。一併動項修理。八年奏准武昌府沿江一帶石岸動支江工節省銀五千兩。交江夏漢陽二縣商民營運生息。按季交總理江工之驛鹽道庫收儲。每年水涸

時著地方官履勘。乘時修葺。○又奏准荆門州沙洋大隄發銀萬兩。分給荆門州遠安縣。交商營運。取息按季呈繳安陸府庫。每屆歲修。勘明動用。如有餘贍。遞年存儲備用。○九年題准漢陽江岸。動支江工節省銀三千兩。交江夏漢陽二縣商民各半。營運取息。遇有坍塌。即飭估修。○又漢江險工。水府廟鄭家潭等處。增築月隄。○又議准武漢兩處大工。動撥銀四萬兩。交商營運。取息以備次第興舉。○又議准湖北省襄陽府枕江老龍石隄。每年隨賦額徵歲修銀三



百兩有奇。尚不敷用。動撥府庫軍需積儲銀五千兩。交襄屬商民生息。以備修築。○十二年議准。湖北省各隄隄長。嚴飭印河各官。加意稽察。隄長止令傳喚催工。毋許濫行苛派。如有曠誤。營私勒索。滋擾情弊。嚴加治罪。別行公舉籤充。如印河各官。漫無覺察。經道府揭叅。照隄岸潰缺疏防例處分。○十三年議准。川省歲修都江堰堰。每年動支鹽茶耗羨銀二千五百十二兩有奇。○又議准。民間隄埝。原無給價助修之例。止以年歲偶歉。估發半價。官為助修。至於被災

深重。而所議之工。又係有關蓄洩機宜。急應修理之工。給發半價。恐尚不敷。該督撫將實在情形。並作何籌畫酌辦之處。於疏內分析聲敘。請旨遵行。儻偶遇偏災。其所做工程。又非迫不及待之工。不得概行聲敘陳請。○二十四年。湖北省江夏縣蕎麥灣第五段石岸。改築土工。○二十七年。奏准湖北省江夏縣蕎麥灣第五段江工。仿照修築第一段坦水之例。用土填築。深釘排椿。每層加用蘆婦攔護。嗣後各段隄工。照此妥辦。○二十八年。奏准湖北省襄陽府老龍石隄歲

修銀兩。著該督撫委驗取結奏明。○二十九年。江西省豐城縣土隄。次第改做石工。○又定湖北省金沙州隄工。發商生息銀三萬兩。以一分五釐生息。為歲修之資。每年造具四柱清冊。報部查覈。○又浙江省會稽縣境內桑盆一帶。建築斗砌石塘四十六丈。並石塘西加高面土長二百七十二丈。○又

諭監利縣孫家月隄工程。雖向係民修之項。但今年江湖驟漲。該處現在尚加賑恤。閭閻物力維艱。深為軫念。所有現請借銀一萬二千兩。加恩免其帶徵歸款。

著在罰修隄費等項內動支。儻罰項不敷。即動撥正項亦可。○三十二年

諭。湖北黃梅等縣董家口以上。界連江西德化境內一

帶。江隄潰缺之處。應行修築。估需銀一萬七千九百餘兩。著加恩即動用公項。交地方官實力妥辦。毋庸借帑扣還。俾貧民得以赴工餬口。是於捍衛田廬之中。推廣以工代賑之法。實屬一舉兩得。該部即遵諭行。○又覆准湖北省江夏縣蕎麥灣江岸隄工。舊隄外灘坍塌數百丈。全賴月隄防護。現今西岸江灘漸長。江水逼近東岸。離隄僅二丈餘。至五六

丈不等。於和知歲稔四字號舊隄內。再挽築月隄一道。並於頂衝處所。添修排椿接崖。內添裏戩。其內外殘缺坍塌低薄之處。加幫寬厚。三十五年。江西省豐城縣角公背地方。第四段土隄。改建石隄二十二丈。三十七年。江西省豐城縣豐字第二十七號。郝家腦土隄二十四丈。第四十七號。左家渡土隄十三丈。一律改建石隄。四十五年。奏准湖北省潛江縣護城隄工。向係按田徵費修理。嗣後停止徵收。所需銀兩。在於荊門州沙洋隄工籌備銀內。酌撥銀七百

五十兩。存安陸府庫。以為歲修護城隄工之用。該縣鋪兵五十九名。每名額支工食銀三兩零。不敷口食。從前在派徵費內。支給錢五十三千有奇。今在酌撥息銀內動支。又湖北省城漢陽門外。添建護城石岸一道。長一百三十五丈。高五尺。又湖南省芷江縣。添建礮岸七十七丈。桃源縣。添建礮岸四十八丈八尺。又

論工程動項興修。自有勘估原冊。及工竣報銷。部中覈減。亦必有一定章程。今湖北省借項興修隄工。動用銀七萬八千五百餘兩。此必因當仍徵於民之項。地

方官任意浮冒多估。為營私之地也。設如部中覈減不過數千兩。尚在情理之內。乃竟駁減至一萬九千六百餘兩之多。則是七分之二矣。設遇數十萬兩之工程。竟將覈減至十餘萬兩。有是理乎。向來工部遇有此等浮冒。如海塘及韓莊歲修。牯壩等工。皆係專摺奏明查辦。此案以七萬餘兩工程。竟至駁減七分之二。何不奏聞請旨飭查。僅照例題本完結。此事著秉公查詢。據實具奏。該督撫亦著明白迴奏。其覈減銀一萬九千餘兩。追完時發商營運。以備再有工程動支。又奏准湖北省漢陽江工險要。於荊門州沙

洋隄工籌備銀內。動支銀五千兩。發交漢陽典商承領。以一分五釐生息。作為籌備江工之用。○又修築湖北省鍾祥縣自永興觀至保隄觀。挽築月隄九百九十七丈。又毀家灣潰口。淤沙盈積。難於築隄。挽築月隄二百五十三丈。潛江縣之長一垸。地形窪下。應自地勢較高之董家臺至鎮龍山。挽築月隄一千八百六丈四尺零。則襄水不致衝突。○五十三年覆准。湖北省荆門州李公月隄等處工程。單薄低矮。迎溜頂衝。分別加修高厚。以資保障。○又



諭。荆州沿江隄工漫潰至二十餘處。是此次荆州被淹較重。由隄塍不固所致。該處隄工於四十四四十六兩年被水後。均曾借項興修。如果工程鞏固。何致屢被漫決。况此項工程例係民修。向無保固承辦之員。並不認真妥辦。草率從事。甚或侵漁入己。均屬事所必有。著即詳細查明。嗣後並著定限保固十年。如在限內衝潰者。即嚴行叅處。以示懲儆。至該處隄塍。為全郡保障。所關甚重。現在被災較重。亦不忍再令其自行修理。所有此次應修各隄工。著動項興修。官為辦理。並著妥為估計。務期加高培厚。認真修築。俾崇

墉屹立。永資抵禦。俟將來每歲修理。需費無多。再照例辦理。以示體恤。又

諭各省修濬隄河等工。有里民借項自行經理。並不造

冊送部者。有借項官為經理。工竣造冊送部備案者。亦有借項造冊具題覈銷者。是各省民修之工。並非全行報部覈銷。章程本不畫一。立法未為妥善。修濬隄河等工。原為保護田廬。疏消積水起見。向係民間修理者。原不使遽動官項。且各處隄工甚多。豈能一官為修理。嗣後民修各工。除些小之工。無關緊要者。仍任民間自行辦理外。如係緊要處所。工程在五

百兩以上者。俱著一體報部查覈。予以保固限期。興修後。再行酌令百姓出貲歸款。各工既有查覈。承修各員。自必有所顧忌。不敢任意侵剋。且有保固限期。亦不敢草率辦理。庶工程可期久固。而閭閻不致受苦。此正係朕為保護民生。節省民費起見。各督撫務宜仰體朕意。遇有民修之工。妥為辦理。嚴加查覈。報部。如有仍前任令屬員從中剋扣草率從事之處。經朕訪聞。或經科道來奏。百姓告發。不特將承辦各員從嚴辦理。必將該督撫一併從重治罪。著為令。又

諭。荆州沿江隄塍。為百姓保護田廬而設。固應動用民

力。此次因被淹至重。朕不忍仍令被災之民。按例修理。業經降旨。動帑官為修築。永資保障。俟將來歲修。再照例辦理。但該處民人甚衆。若竟歸民修。不復官為經理。則百姓等誰肯首先出貲。踴躍從事。即如井田之制。宜古者未必宜。今若此時而沿襲井田。則雨我公田。遂及我私之句。亦徒虛語。將來修理隄塍各費。派之於民。仍當官為經理。第不肖官吏。於官工尚思侵肥。矧此項工程。例歸民修。並無保固。官員等不特藉端灑派。入其囊橐。而且草率從事。偷減侵漁。均屬事所必有。其該管上司。又因係民修之工。遂爾漫

無查察。殊非慎重隄防保護民命之道。自應立定章程。並定以保固年限。庶工程可期永固。而官員亦不致有侵蝕情事。方為妥善。除此。次應修之隄。動項官辦外。其將來民修隄工作。何稽察保固之處。著悉心妥議具奏。欽此。遵。

旨議定。荆州歲修隄工。嗣後責成荆宜施道。荆州府專管督辦。每年秋汛後。荆州水利同知會同江陵縣。將應修處所。逐一勘明。估計造冊。送府覈實。詳道覆勘。移咨藩司借項興修。取具道府切實印結。報部覈銷。仍令藩司於奏銷後。親往查勘。

一次督撫於每年春汛前輪往查驗一次如有  
偷減情弊即行查叅著賅此外南北兩岸民修  
各隄塍緊要處所亦令道府於每年秋汛前通  
行查閱一次遇有單薄殘缺者照此一律辦理  
隄面隄身按年歲修照依乾隆五十三年加高  
培厚丈尺分別估辦幫補足數以期經久修築  
隄工務須募夫逐層逐段夯碾堅實令該同知  
親身督辦該管道府隨時輪流密往查察如有  
草率偷減假手家丁書役包修剋扣者即將該  
同知知縣揭叅究辦歲修銀兩先於司庫借給

俟次年於業戶名下。按畝攤徵歸款。其動用何項。應令該督豫籌報部。仍將攤徵歸款細數。送部查覈。銀錢冊檔。公舉誠實諳練紳耆三四人。專司其事。如有書役撓越侵漁者。許紳耆等據實具稟。嚴行究辦。新築石磯突出江心。挑溜保隄。最關緊要。責成該管道府同知。按年查勘。如有損壞坍塌者。即勘報估修。歸於歲修案內彙辦。並將害金洲萌長蘆根。隨時剷除。每年翻犁一次。不許民人居住。如有新漲淤洲。照此辦理。至大隄每五百丈。應設隄長圩甲各四名。於隄

上設十房常川住宿。如有獾洞蟻穴。隨時報明  
修補。汛漲時。多備守水器具。同業民晝夜防守。  
該道府同知往來巡查。一有危險。即行督率搶  
護。如水利各官防護不力者。該管道府查明糾  
叅。隄上民房。自沙市西街至東街市廛稠密處  
所。俟傾倒時。報明地方官。查勘無礙。隄面處所  
另行蓋造。其餘占礙房屋。概行拆去。以期讓出  
隄面。逐漸加高培厚。隄工自逍遙湖至玉路口。  
責令江陵縣丞看管。玉路口至黃家場。責令沙  
市巡檢看管。黃家場至挖茅埠。責令郝穴巡檢



看管。遇有防汎等事。隨時就近督夫照料辦理。至歲修估計工程。給發夫工價值等項。仍由該同知經手。不得以佐雜微員妄行干預。並令同知移居大隄之上。以資防守。其經理隄工各款。仍令督撫等輪往查驗。詳加體訪。如有不遵章程辦理者。即將該管道府同知知縣等官分別叅奏。以昭慎重。○又

諭嗣後凡濱臨江海河湖處所。沙漲地畝。除實在無關利病者。毋庸查辦外。如有似害金洲之阻。遏水道。致有隄工地方之害者。斷不准其任意開墾。妄報升科。

如該處民人冒請認種。以致釀成水患。者。卽照例嚴治其罪。並將代為詳題之地方官等一併治罪。決不姑貸。○又

諭

本年監利縣地方。因江湖漲漫。將東鄉之孫張王公月隄二處普漫。該縣隄工本係民辦。但今年被災較重。甫遭淹浸。雖已優加撫恤。民力究不免拮据。所有該縣孫張王公月隄需用土方。據該督估計銀三萬兩以上。此次著加恩照荊州隄工一體動用官項。以示朕軫念災區格外體恤至意。○又奏准荊州萬城隄等處。遇有歲修及增添工程。所需銀兩。於司

庫存儲鈔產變價發商生息及田地租籽銀兩  
內動用由道府勘估赴司支領按年報部覈銷  
○又

諭江陵縣南岸及公安縣各漫口隄塍向係民修但本  
年被災較重所有該二縣此次應修各隄銀一萬九  
千二百餘兩並著加恩一體動用官項此後再照例  
辦理以示朕軫念災區有加無已至意○又

諭本年荊州被水廣濟黃梅二縣隄工均著加恩動用  
官項修築將來再行照舊辦理○五十四年

諭楊林洲雞背壩原估十五丈已如數挑砌害金洲嫩

沙。刷去三百四十餘丈。黑窯廠裏頭原估長五丈。今已做出七丈。對面沙灘亦經刷去一百二十餘丈。溜勢愈覺南趨。但閱圖內所繪黑窯廠裏頭取勢太直。若復往南進做。不特恐致著重。且江水至此已成入袖。兼慮激回波衝北隄。不能復嚮南挑。朕意應順嚮東南。不妨略長。以次進做。因勢利導。溜勢自全往南。開則害金洲土礮。可期逐漸刷盡。已於圖內用硃筆標誌。著即覆加履勘。酌量妥辦。並將應否如此辦理之處。據實覆奏。欽此。遵。

旨覆勘。應將黑窯廠碎石裏頭改為雞背壩。砌出江面。

順嚮東南接做。共長十八丈。楊林灘雞背壩。砌出江面二十一丈。○又奏准修築萬城隄。原定土方例價。不敷破工。酌給破價募夫。分築以資鞏固。○又奏准荊州黑窯廠對岸。及觀音寺對岸。挑築引渠一道。以分水勢。○又奏准荊州沙市等九處。各製鐵牛一具。並築砌石基安設。○五十五年議准荊州隄工。向係民修。今因被淹。蒙

恩動項官為督辦。嗣後如有些小工程。聽民間自行修理。其增添破價。不得援以為例。○五十六年奏

准。荆州萬城隍中方城上漁埠李家埠中獨陽  
玉路口楊林洲黑窯廠觀音寺九處頂衝坐灣  
溜勢內逼每處安設鐵牛一具。五十七年奏  
准。江西省豐城縣東岸甘家湖土隄改建石隄  
長五十丈。五十八年奏准。湖北省襄陽府老  
龍石隄袤長十里保障全城頂衝險要處所之  
普陀庵頭工背二工背黑龍廟添做碎石磯四  
座。每年葺治需用銀兩。於蕎麥灣隄工籌備銀  
內撥銀五千兩。交商承領營運。以一分五釐主  
息為籌備之用。每年按季解收。年終造冊送部

查覈。○嘉慶二年

諭豐城縣濠河護城隄工。為城垣保障。農田水利攸關。因上年黃水漫入。隄岸被衝。濠河亦多淤墊。自應分別挑築。該縣本係積歉之區。且屢經被水。若仍用民力挑築。不無拮据。所有估需挑濠築隄建橋銀一萬九千六百九十兩。著加恩准其動項修辦。俾濱河百姓共資保護。○七年奏准湖北省荊州南門外玉路口江神廟前邊。砌築石裹頭。長五丈五尺。○又奏准江西省豐城縣蘇家廠土隄二十五丈。改建石隄。○十五年

諭同興奏湖北隄河各工完竣。餘賸商捐銀兩。酌籌生

息一摺。此項淮南商捐銀五十萬兩。本為疏消河道建築隄牻之用。既據同興奏稱。除陸續修築各屬河道牻工。並辦工員役薪水飯食。及各項長支借撥動用外。尚實存銀一十四萬五千五百餘兩。請以四萬五千餘兩。留為荆城工程之需。其十萬兩。發商生息。以備隄河善後工程隨時動用。俱著照所請行。此項銀十萬兩。發交漢岸商人。每月一分生息。按季解存司庫。遇有工程支用。報部覈銷。其餘長支借撥及覈減等銀。俟催繳全完後。再行截數奏請補發岸商。一併



生息。十六年議准。江西省豐城縣東岸湖土隄原長八十三丈。因江中新長沙洲水勢湍急。逼射隄身。情形危險。改建石工七十二丈。又楊家湖土隄原長三十三丈。亦因江心新長沙洲水勢湍急。同屬危險。亦全行改建石工三十三丈。以資捍衛。二十年。修築湖北省武昌城外江隄。又添築安徽省無為州濱江月隄。長三百九丈。二十一年。

諭胡克家奏勘估吳淞江疏濬工程。分年捐辦。一摺。吳淞江為大江以南衆流入海要道。上海等縣漕運經

由且關繫蘇松太三屬民田水利。近因潮沙淤墊。河  
流淺澀。自應亟為疏濬。茲據該撫估計需銀二十八  
萬三千六十兩。著照所請。以三分歸沿河之上海青  
浦嘉定三縣。七分歸長洲等十三州縣。按歲徵糧額  
分作兩年攤捐。並豫選公正殷實董事。由縣給發印  
簿。令各業戶照數捐交。解存道庫。於二十二年捐足。  
即於是年秋成後。按照估定寬深丈尺。興工修濬。一  
切俱聽民間自為經理。不令官吏涉手。工係民捐。民  
辦。毋庸造冊報銷。二十四年。修築湖北省荊州萬  
城大隄。並楊林磯黑窯廠衝刷坍塌蟄處所。添築

石岸。○二十五年。修築浙江省桐廬縣境沿江塘站。○道光二年。修復江西省豐城縣沿江一帶雷公腦等處隄埽。○又疏濬江蘇省瓜洲通江河道。○又

諭孫玉庭等奏儀徵河道捐費未齊請先借款趕辦一摺。儀徵為淮南引鹽匯集之地。屯船由江都縣屬之三汊河等處運行。從前俱係商人急公捐辦。未動充公之款。嗣因商力疲乏。久未興挑。以致三汊河及子鹽河五牖一帶淤淺。幾成平陸。而沙漫洲江口漲出沙灘一片。口內復漲起沙埂一道。橫互河心。屯船改

由江面荒洲掣捆大船移泊老河涇地方。即銅漕各船亦皆改道由長江直下。而內河一帶居民不能引水灌溉。近年瓜洲轉江之魚尾一帶淤淺不能抵洲。掣捆待潮起撥浮費愈增。茲據該督等勘明該處內外河道為通江達淮要津。於水利田疇民生商運實有關繫。現在積淤已甚。若俟捐費齊全始行挑辦。商民愈困。自係實在情形。著照所請。准其於江皖各藩庫借撥銀二十四萬兩。先行趕辦。該督等派委諳練人員督商覈實興辦。仍令按引帶捐。陸續解還藩庫。限至道光六年全數歸清。毋庸報銷。○四年奏准湖

北省荊州府萬城大隄。培補衝潰缺口二處。自  
橫塘至荅茅埠。加修各工。及尚林腦上新開兩  
處月隄。動支庫款。作正開銷。○又興修安徽省  
無為州被衝江壩。並挑它下河水口淤塞。○又  
修築江甯省城石右等所沙洲圩岸。○六年。湖  
廣荆右衛屯坐公安縣柏家灣江隄。被水衝刷。  
退挽月隄一道。○七年。修築湖北江夏縣蕎麥  
灣月隄。○又

諭。蔣攸銛等奏勘估吳淞江挑土銀數。並督飭興辦一  
摺。吳淞江自井亭渡起。至曹家渡止。工段較長。經該

督等委員勘估。分別深淤淺淤。估銀二十九萬三千二兩零。又築工頭工尾柴土壩座銀六千一百八十五兩零。共挑河築壩估銀二十九萬九千一百八十七兩。著照所請。除上海縣工長承挑二分。青浦嘉定二縣各承挑一分外。其餘著添派得需水利之元和吳江震澤崑山新陽太倉鎮洋寶山等八州縣。各承挑一分。○八年

諭

張井等奏瓜洲城外臨江埽壩。緯道坍塌。切近城垣。請照從前收進城牆之案。接築土城。讓出緯道等語。瓜洲臨江壩工。因江勢浩瀚。遷徙靡常。從前屢修屢

壩。乾隆年間。曾將城垣收進。讓地與江。近又復形坍塌。逼近城垣。有礙緯道。自應以設法通緯為急。著照所請。即於春融後。接築土城。讓出緯道。責成江防廳營相機妥辦。無誤重運。○九年。江西省豐城縣花園墻。接連楊林口等土隄。連年被水。屢修屢塌。改建石隄。○十二年。

諭。盧坤等奏。荊州萬城隄工。請改歸知府承辦一摺。湖北荊州府萬城隄工。為全郡保障。向係水利同知專管。歷屆歲修。由該同知勘估詳辦。飭縣按糧攤派。督率收繳興修。茲據該督等查明。近來水勢盛漲。工費

逐年加增。該同知催費督修。均不能得力。請改歸荊州府承辦。著照所請。此項隄工。著自本年為始。改歸荊州府知府承辦。該府先期親詣勘估。詳定飭縣照例按糧派費。繳存府庫。由府慎選紳耆。充當董事。不許假手吏胥。仍令該同知督率稽察。務於春汛以前完竣。○又

諭。前據給事中邵正笏奏。江湖漲灘。占墾日甚。請飭查辦。當降旨。令該督撫等酌議具奏。茲據楊懌曾勘明各屬洲灘情形。酌議覆奏。長江一帶。沙洲日增。阻遏水道。自應急籌妥辦。該撫即督飭濱臨江漢各州縣。



確查灘地之已升科者。毋許挽築私垸。亦不准以子  
母相生。影射再報。及私行占墾。其報坍灘地。確切勘  
明。止准豁糧。不准撥補洲地。亦照此一律辦理。嗣後  
查有續漲及甫經淤出洲灘各地。概作官荒。永遠禁  
止認種升科。著責成各州縣。每年親詣所轄江面。周  
歷查勘。一次具報。○十三年。興築江南省六合縣境  
雙城果盒二圩隄埝二十餘段。○十四年。修築  
江蘇省江都縣洋子橋至瓜洲運河東岸河隄  
江埝。○十五年。興築湖北省潛江鍾祥京山天  
門沔陽漢川六州縣臨江隄岸漫缺九處。○又

修築湖北省武昌府城外沿江石岸。○十七年。修築湖北省江夏縣蕎麥灣月隄定恭二字號。並老隄各段。共長二千六百八十八丈九尺。○二十一年。湖北省荆山縣屬揚隄灣等處柴壩。改建石壩。○二十二年。修築湖北省沔陽州江隄內茅埠等七坑潰口。暨荆江上漁埠頭工段缺口。○二十四年。興修湖北省萬城大隄北岸土石各工。○二十八年。修築湖北省城沿江石岸。○二十九年。拆修江甯省城東西水關及後湖等處牯座涵洞。○咸豐二年。奏准安徽省無

為州江灘。逐漸坍塌。添建土隄一道。以資保障。  
○七年。修理湖北省天門縣隄工。○同治六年。  
奏准江蘇省吳淞江三黃渡一帶河道淤淺。用  
機器挑挖。○十二年。拆修江西省九江府護城  
石砌。○十三年。撥釐金項下錢四萬八千串。修  
築湖北省咸甯蒲圻二縣隄塍。○光緒五年。  
諭丁寶楨奏霜降已過。修補都江堰隄工。悉臻堅固。  
民田已多涸復等語。四川都江堰隄工。失修多年。  
此次丁寶楨督令承修之員。挑挖江身。修砌兩岸。  
現據奏稱河道一律深通。連年水勢極大。但有灌

溉之利並無泛濫之患。灌縣溫江崇慶等州縣。從前淹沒田地已涸復八萬二千九百餘畝。江隄所以保衛田廬。關繫緊要。現既著有成效。尤宜實力修防。永資利賴。○六年奏准。都江堰人字隄。壁立水中。向用竹籠盛石。因竹質易朽。光緒三年。易籠石為砌石。次年江水大漲。石砌之法。不若籠石之宣洩合宜。於是冬改復籠石。又於江水來源之白馬槽。挑去十八丈餘。以期分水適中。○十一年。堵築安徽省和州之保大圩。當塗縣之大官圩。及沿江各圩。○又奏准。湖北省江夏縣

年。蕎麥灣隄工危險。照黃河隄工之例。隄保固一